


不空罽索神變真言經

卷七

百六十二
幕七

48396

44



皇圖永固
 帝漸銀昌
 佛日增輝
 懺輪常轉
 七務十年五月日重脩
 山州天安寺法金剛院置

法
 金
 剛
 院
 置

不空羅索神變真言經卷第七

慕

唐南天竺三藏法師菩提流志譯

護摩增益品第七

世尊是不空王護摩三昧耶能成一切功德
 善根能滅過現一切罪障能破一切設觀嚕
 等能除一切惡毗那夜迦能止一切惡訕瑟
 吒能滅一切不吉祥相能攘十六大地獄苦
 能除八大怖畏之怖能破一切怨諍酬難能
 伏他軍一切兵仗能除一切疫病飢饉能證
 一切諸佛大智能入一切諸佛菩提若有有
 情如法修學常使四天王天一切天龍八部
 鬼神皆當護祐一切如來觀世音菩薩觀察



加祐世尊說扇底迦三昧耶安樂有情滅諸
灾疫說補瑟置迦三昧耶增益有情福命財
寶說阿毗柁魯迦三昧耶治滅一切惡性藥
又羅刹噉人精氣者皆自置伏使諸稠林邪
見有情入於正見以斯義故說護摩法成就
出世世間解脫三昧耶當如法作請召一切
諸佛菩薩火天諸天那伽龍神真言明仙燒
食供養換潔身服去道場處不遠不近觀見
尊容作護摩壇方圓四肘治飾壇地開廓門
道基高側手內院穿鑪廣一肘半深一肘量
周帀重椽內椽高闊二拍之量外椽高闊四
拍之量鑪底泥作八葉蓮花於花臺上重捏

泥輪如法塗磨外院一肘東方置大梵天印
帝釋天印日天印東南方置火天印諸仙印
南方置焰摩王印一髻羅刹神印度底使者
印西南方置泥利帝神印諸羅刹印西方置
水天印龍印地天印月天印西北方置風天
印藥路荼印北方置毗沙門印諸藥叉印東
北方置大自在天印伊舍那天印結印辟除
護身結界而請召之四角置闕伽瓶四門置
香鑪燒種種香敷諸花香飲食供養加持淨
灰與同伴者點額護身敷茅草座酉戌之時
面東而坐以杜仲木木檻木栢木如大拇指
長十二指截鑪內然火扇挺勿吹當以香水

灑淨火上彈指三遍當觀火焰金為囉字變
為火天一面三目身白四臂黃髮冠髻左二
手一持君持一執寶杖右二手一施無畏一
指數珠半跏趺坐放大火焰燒香請召以稻
穀花白芥子好蘇真言護摩請喚火天真言
曰 唵 一入 輕縛 呼 囉 入 縛 二 跛 二 囉 入 縛

攤 三 底瑟詫 綏麼焰 四 虎嚕虎嚕 五 訶怛 六

莎 二 縛訶 七

誦滿一七遍召火天至以蘇白芥子安悉香
真言護摩七遍種種末香甘味菓子真言護
摩七遍真言淨水灑散火上彈指三遍栢木
桑木構木蓮花莖白栴檀木長十六指截真

言加持爐內然火此諸木等隨得一木作法
亦成白栴檀香薰陸香甘松香稻穀花蘇誦
秘密心真言奮怒王真言加持護摩一百八
遍蒸粳米飯蘇團一千八團加持護摩如是
護摩滿三七日或七七日是時火天壇內現
身瞻視十方讚言善哉善哉持真言者今得
成就此護摩法所須何願能為滿足是時當
以闕加供養又當以蘇粳米飯團一千八團
加持護摩乞所求願則得火天手捧銀器滿
中有藥奉真言者受取餌之則得仁悅身出
光焰壽延萬歲證宿命智而得揔持不空羅
索心王母陀羅尼真言三昧耶若當不受火

天藥者又復護摩一千八團壇地震動觀世
音菩薩現身安慰讚言善哉善哉汝已成就
此護摩法汝須何願我今爲汝便得滿足時
真言者闕伽供養觀世音菩薩自執其藥與
真言者跪禮恭敬受藥服食其狀變麗身出
光焰證獲不空大真言明仙神通三昧耶得
九十二苑伽沙真言明仙一時來現敬爲伴
侶住觀世音所住九十二苑伽沙俱胝百千
七寶宮殿安樂遊觀是等宮殿有無量寶樹
花菓間雜莊嚴其土園苑多有種種色類金
花銀花寶樹花菓一切池沼八功德水氣香
芬馥如栴檀香於其水中多有衆色鬱鉢羅

花鉢頭摩花拘物頭花芬陀利花其諸泉沼
金沙布底雜寶爲岸此諸宮殿臺榭樓閣花
菓泉沼牙相間映周廣嚴淨一切天男天女
緊那羅女軋闍婆女常遍遊戲持真言者彼
所壽身乃至無上正等菩提更不受生恒往
十方一切刹土恭敬供養一切諸佛菩薩摩
訶薩持此不空罽索觀世音菩薩廣大解脫
蓮華曼拏羅印三昧耶一切菩薩摩訶薩恭
敬頂禮而讚歎之俱脰百千一切諸天乃至
阿迦尼吒天一切龍王阿素洛王緊那羅王
軋闍婆王藥魯荼王摩呼羅伽王皆當供給
一切資具甘膳飲食自在豐饒得此果者皆

因是大旃暮伽王護摩供獻三昧耶若真言者多諸重罪福德甚薄雖服是藥但得富饒壽命長遠不得證見諸佛菩薩摩訶薩種種形相往來神通變化等相唯令過現一切業障盡皆消滅為人愛讚所出言詞他皆信受若命終時身心寂定無諸恐怖一切如來觀世音菩薩一時現身迎真言者往於西方蓮花化生得宿住智億劫生事而皆識知乃至菩提更不重受一切胎卵濕化之身從一佛土至一佛土聽持諸法供養諸佛若藥點額遊行世間為人愛敬若後所欲憶念火天則為現身當如願乞皆為圓滿又三昧耶丁香

木石榴木截治然火誦母陀羅及真言奮怒
王真言加持粳米菘苳蒸餅乾蓮華末白芥
子蘇蜜石密作歡喜團於七日中加持護摩
鑪內復現火天半身手執寶盤滿中團藥奉
真言者而告言曰此妙散藥是最後藥唯垂
受取時真言者即便恭敬受藥服餌身便適
懌證不空王摩訶真言明仙神通三昧耶一
万八千持真言仙一切火天一時來現敬侍
爲侶而護祐之諸真言者服此藥者便得證
解是不空王心陀羅及真言曼荼羅印三昧
耶日誦千言爲人愛敬若命終已直生西方
蓮花化生識宿住智若藥點額入諸龍窟阿

素洛窟鬼神窟窟中鬼神皆自置伏出入無礙若有女人服此藥者則得其子性大聰慧若諸人民服此藥者皆得除諸灾厄罪障又法淨處以赤牛乳蘇煮粳米粥持石榴木誦母陀羅及真言撓攪乳粥乃至至熟誦奮怒王真言加持白芥子水灑散粥上以火天藥和乳粥中盛三鉢中一鉢供養一切諸佛一鉢供養觀世音菩薩一鉢供養文殊師利菩薩便以乳粥施諸沙門婆羅門人民而服食者即得除滅一切業病鬼神病一切罪障膚體腴悅善根成熟若山頂上仰天樓上隨其大小治塗壇地置乳粥鉢燒香啓召十方一

切諸佛菩薩摩訶薩誦不空摩尸寶陀羅尼
真言一百八遍供養十方一切諸佛菩薩摩
訶薩是時十方一切諸佛菩薩摩訶薩前皆
現天諸香味飲食爲大供養一時讚歎得大
福聚無量諸天皆擁護之若木楹木楓香木
栢木截治然火加持乳粥蘇護摩一千八遍
火天種族一時來現歡喜瞻敬又護摩一千
八遍龍王及從皆當自伏恭敬使護又護摩
一千八遍一切天龍八部鬼神恭敬讚伏又
護摩一千八遍諸真言仙皆相讚伏又護摩
一千八遍憍尸迦三十三天皆相置護又護
摩一二萬遍觀世音菩薩現身讚歎爲得圓

滿是一切菩薩摩訶薩共所恭敬頂禮讚誄
不空罽索心王母陀羅尼真言曼拏羅印三
昧耶不空清淨觀三昧耶身若木楹木白栴
檀木栢木長十六拍截加持爐內然火作歡
喜團一千八團加持護摩爐中出現火天童
子手執寶盤滿歡喜團藥是時真言白芥子
打是童子一二七下童子白言今何所求則
便報言我求一切菩提大願爲我滿足童子
是時白真言者受此團藥是藥乃是無上甘露妙
藥中藥能即成就最極大願時真言者受取
捧持告言童子即當共我常爲伴侶童子白
言依命爲伴隨處作法即應相見應當便以

杜仲木截治然火誦廣大明王央俱捨真言
加持白栴檀香安悉香白芥子蘇護摩一百
八遍供養童子即常為伴不相捨離一切作
法皆為成辦又為遮止一切鬼神作障難者
當以是藥置獻觀世音菩薩則服是藥便證
旃暮伽王神通三昧耶膚狀端嚴髮如旋螺
壽延六十千劫十八俱胝真言明仙一時來
現敬侍為伴若以是藥普施一切沙門婆羅
門人民食之皆得住年消除過現諸罪病惱
若以是藥塗諸物者皆即變為閻浮檀金若
以是藥擲湫中者一切龍王皆現置伏任為
吏使除遣一切風雨災旱若以是藥打阿素

洛窟門其門即開素洛眷屬一時皆現置伏
爲使若山林中散是藥者則得一切藥精出
現任取服餌若於屍陀林中散是藥者即得
鬼神宮殿開現鬼神現身置伏爲使若新未
壞米糲羅香湯洗浴者淨白衣當以是藥置
二鉢中加持白芥子用和是藥散故人上則
加持問出世世間三世事法占相醫方呪術
功巧伎藝神通等法皆依問說若如故者持
水灑面拂去其藥若以是藥埋置門地則得
除滅人民灾病若以是藥置功德天像手中
誦奮怒王真言一百八遍即功德天現身給
賜種種財寶若以是藥淨帛裹之持行去處

人目不錄若於河泚大獨樹下埋置是藥誦
奮怒王真言七遍一切諸鬼現身置伏任為
命事若以是藥置摩訶迦羅像頭上誦奮怒
王真言加持白芥子水七遍散摩訶迦羅像
頭上誦母陀羅及真言七遍一切茶枳及鬼
現身置伏樂為命事若以是藥置摩訶迦羅
像臍中者則鬼子母現身置伏任為命使若
以是藥置文殊師利菩薩像手鉢中誦奮怒
王真言三遍誦摩及寶陀羅及真言七遍則
於十方一切刹土一切諸佛菩薩聲聞前皆
有天諸甘露飲食而供養之於時十方一切
諸佛一切菩薩一時歌讚又真言水灑灑壇

爐內然火當以是藥和白栴檀香薰陸香
白膠香沉水香白芥子蘇蜜作歡喜團一百
八團加持護摩其火天王爐中涌現告真言
者善哉善哉我受此供甚大歡喜今須何願
為相滿足是時則乞一切火法入火坐卧之
法執火没水不滅法作壇法處請常現身而
相教詔得法滿願

卅尊不空光焰摩尼鍋三昧耶如如意寶求諸
妙藥皆得如意淨治身服如法清潔塗曼拏羅
上好赤銅造摩尼鍋其鍋圓滿圓如珠形黃丹
枳愚瑟訛雄黃雌黃白栴檀香曼拏羅內精潔
如法等數治末光焰摩尼鍋藥其鍋鑄已置於

爐中加持蘇枋木迦囉弭囉木闕伽木捨弭
木青竹夜合木羯囉拏迦囉木菩提木栢木
桑木構木跋洛訖灑木蘇曼那木軋馱嚩利
師迦木楹擺木弭惹補囉迦木新度縛囉木
瞻蔔迦木苦棟木比主擺漫娜木截治長十
六拍量如法然火加持俱物頭花莖葉蓮花
莖葉盟鉢囉花莖葉瞻蔔迦花縛擺迦香草
白栴檀香沉水香言得囉迦藥蘇誦持母陀
羅及真言奮怒王真言護摩一百八遍加持
白芥子稻穀花蘇酪白蜜護摩一百八遍單
迦持白芥子護摩一百八遍并諸香花飲食
供養護摩牛乳七遍滅爐內火出鍋治錠瑩

麗莊飾盛持於藥置其壇內誦持母陀羅尼
真言一加持白芥子一先打鍋藥誦持奮怒
王真言一加持白芥子一先打鍋藥白月八
日或十五日初夜後夜五更明時鍋上藥上
出大火光得大成就奉持供養有大威德如
如意寶若欲飲食鍋置淨處繞鍋置器燒焯

香王誦持真言作法呼召經須臾時則有百
味甘膳飲食若燒火食置鍋爐前燒火作法
速疾成驗若有猛將欲陣敵者淨治身服嚴
持器仗頭上戴鍋獨往他陣彼諸兵衆皆見
身上出大火光一時臣伏忙怖馳走勇猛無
畏若修羅窟門置鍋作法誦持真言其修羅

衆一時出現樂爲命從若龍湫沸置鍋作法
誦持真言水盡枯涸龍現置伏又得國土五
穀滋茂菓實豐稔無諸灾疾能得無量福聚
蘊門世尊不空光明觀察藥三昧耶譟弭羅安
膳那真言加持泥裏密固置於爐內杜仲木截
治然火夜合花白芥子白栴檀香蘇酪蜜誦
持母陀羅尼真言廣大明王央俱捨真言護
摩一千八遍加持安悉香白栴檀香沉水香
白芥子蘇酪蜜護摩千八遍觀世音菩薩語言
善哉善哉善男子汝今成就光焰藥法滿所
諸願便候大寒乃出取藥以譟弭羅安膳那
和龍腦香麝香研合眼藥以雌黃雄黃爲點身

藥精治別盛置於壇內誦持母陀羅尼真言廣
大明王央俱捨真言加持其藥令現煖煙光
相乃名成就光焰藥法是時用藥點額點眼
點兩肩上二手掌上便證不空光焰藥神通
三昧耶壽增千歲不爲一切毗那夜迦欲界
魔王而作障礙一切人民恭敬供養若入軍
陣則當得勝爲人恭敬不畏世間閻諍口舌
山中災難不患頭痛眼痛耳痛鬼神等病若
點摩訶迦羅像眼誦持奮怒王真言其像啼
泣令真摩訶迦羅神及其眷屬置伏使祐若
點功德天像眼瞬目瞻像誦持母陀羅尼真
言令真功德天來相護祐財寶增滿若睡卧

時點眼中者則得一切增上善夢觀世音菩
薩加祐擁護若點不空罽索觀世音菩薩像
眼中者速得觀世音菩薩加被上願若以藥
和牛黃點眼中臉上見於國王及王僕從得
大歡喜若點大自在天像眼中誦持奮怒王
真言七遍則得一切鬼神置伏使祐若點摩
訶迦羅像額上誦持奮怒王真言者則得一
切藥叉歸伏若沙門乞食去時點藥眼中乞
食去者速得淨食若點眼瞼入於一切山林
陂澤則當不怖一切精魅虎狼等難若點眼
瞼入天寺中努目看鬼子母誦持奮怒王真
言者則得鬼子母及所眷屬置伏使祐又法

木楹木迦囉惹木根枝葉花菓杜仲木波攞
訖灑木截治然火粳米稻穀花烏油麻白芥子
白穀稻穀大麥小麦大豆小豆麻子蘇密酪誦
持母陀羅及真言奮怒王真言護摩一千八
遍又以安悉香黑芥子相和誦持廣大明王
央俱捨真言奮怒王真言護摩一千八遍便
求財富隨意豐饒乃至命盡無所乏少摩及
跋陀神而守護之世尊不空成就牛黃神通
三昧耶化伏世間而最第一入於陂澤入於
山林入修羅窟入龍湫窟宮殿室宅入海龍
王宮殿室宅入地地下一切神變皆得成辦
諸有怖畏種種病苦過現罪障怨難軍陣鬪

誦厭蠱符書呪詛諸天鬼神一切瘡病惡星
變佐牢獄禁閉枷鎖刑戮皆得滅除作法成
就財寶富饒一切沙門婆羅門一切人民珍
敬愛樂觀世音菩薩淨居天伊首羅天摩醯
首羅天大梵天帝釋天那羅延天一切諸天
龍神八部皆當擁護淨治身服等數當以牛

黃紫檀香鬱金香淨治精研以火食灰減藥
三分中一分別盛真言加持盛赤銅合置於
壇內觀世音菩薩像前淨帛覆上或荷葉蓋
上其火食灰用紫檀木杜仲木稻穀花白粳
米白芥子油麻蘇蜜酪如法護摩取細白灰
誦特母陀羅尼真言廣大明王央俱捨真言

奮怒王真言加持先藥令現三相一者煖相
二者沸煙相三者光相證三相者名大成就
用藥點頂上額上眼中眉間肩上二手掌上
心上證不空牛黃仙神通三昧耶衆相圓滿
壽命逾遠明見一切天龍八部鬼神宮殿皆
無有礙一切鬼神皆當畏伏所作成辦若藥
點眼則見地下一切伏藏鬼神宮殿無有障
礙夜見一切無有暗障若入水若渡江河大海
如居陸宅不畏水中一切獸類而作傷害又
得水中種種珍寶若淨澡浴以藥塗身入陣
鬪戰不爲傷害而當得勝若含是藥往於王
宮國王后妃見皆歡喜若藥點眼往於聚落

人民見者歡喜愛敬飲食供養若以藥塗右手頭指誦奮怒王真言加持豎擬十方怒目期剋則得方圓一踰膳那無有非時惡風雹雨災損苗稼若有霖雨藥塗左手誦奮怒王真言加持左手遍擬十方雨則晴止若天亢旱於龍湫泝藥塗右手掌指加持藥手拍湫水上滿一七下便降大雨若不雨者又復以藥重遍塗手一真言手一拍湫水滿三七下湫中龍等一時熱悶若不雨者又復以藥重遍塗手一真言手一拍湫水一百八下則降大雨若不雨者湫中龍王并所眷屬惣患熱惱走出外湫若有患諸鬼病神病者與藥點

眼則得除。差若患一切鬼神瘡病，與藥點額，即得除。差若病難治，以藥和湯，病者浴身，則得除。愈若爲蛇蠍螫者，以藥和水，與彼服塗，則得除。差若患疔癰、疔癩、疔腹中病者，燬水和藥，與令飲服，則得除。愈若塗脚掌，履火不燒塗兩膊、上臂、上脛，上則得力。等大野象力與他搏力，則得勝。他若以藥塗兩脚脛，掌渡於河海水，不沒踝。若藥塗頂入於陂澤山林，不畏虵虎鬼神等難。一切藥精俱時出現。任取上者，若於山林含藥，高聲誦持，大可畏。明王、央俱捨真言七遍。一切藥神宮殿開現。藥神出現，任爲命事。取最上藥，見諸藥神不

應怖懼但當役使若以藥塗心上誦真言作
法速得成就若以藥塗肚脇脊耳拍腕上者
所往之處飲食衣服床敷珠璫鑲釧鞍乘而
皆隨意若以藥密丸丸如豆等每日誦秘密
心真言加持其藥初日一丸二日二丸三日
三丸乃至七日七丸爲度服滿百日文詞智
慧辯說無礙聲相和雅如緊那羅迦陵頻伽
之聲其聲深隱令衆樂聞若半茶婦人藥和
蘇服則得胎藏若人牢獄枷鎖禁閉藥塗獄
門并塗枷鎖誦持真言而加持之則得解脫
若藥和香湯清淨洗浴誦持真言作法十惡
五逆四重等罪則皆除滅又得阿暮伽王秘

密壇印三昧速當成就一切怨難不吉祥相
亦皆除滅若以藥和生胡麻油點額點眼見
諸貴人則相敬慕若塗身者不爲刀箭矛槩
之所損害若藥繫兩臂所去之處得勝衆敬
若高望處含藥遙望坊邑聚落誦持廣大明
王夾俱捨真言加持右手把白芥子向彼散
之當自敬伏若以藥繫右手上按拍一切金
銀財寶庫藏之門食厨庫門藥鋪庫門諸惡
鬼神盡皆怖走而不散耗一切財寶亦不偷
吸一切精味若藥手拍大門七下家內人民
除諸灾障若藥埋於怨人門地是怨人家則
自和敬若藥塗刀箭矛槩自當損折若怖惡

賊或諸灾事以藥埋宅門地是惡賊輦則無
能為灾事除滅若以藥塗螺中高樓閣上大
吹七聲能令一切鬪諍言詞厭蠱呪詛世間
灾恠悉皆消滅若酤乳家圈牛羊處吹七聲
者其牛羊乳皆具上味若於大眾吹七聲者
人民所聞皆除灾障若藥塗鼓面上於高樓
上大打曲聲則令一切非時雹雨而皆禁止
一切疫病皆當除滅若以爐中燒火食灰和
香水真言七遍散灑十方即成結界若灰和
湯衆人浴者灾厄罪障皆得除滅若患瘡者
點灰額上即當除差若以灰塗杻械枷鎖誦
念真言而加持者則得解脫若虵螫者以灰

塗上毒痛則除

世尊扇底迦三昧耶杜仲木木檻木奢弥木
栢木桑木構木夜合木長十二指截五淨浴
治而加持之依法數持加持然火誦持奮怒
王真言淨水淨火輪印結界爐南跪坐誦持
母陀羅左真言秘密心真言加持稻穀花白
芥子蓮花莖葉蘇蜜護摩一千八遍則得方
圓百踰膳那除諸藥又羅刹布單那鬼塞健
陀鬼噉精氣鬼復得除滅一切灾疫飢饉猛
獸他兵謀反大臣謀反大臣謀叛一切鬪諍
諸惡鬼神國土豐稔雨澤順時孳生一切苗
稼花菓大小諸樹根莖枝葉藥草等類皆令

茂盛滋味繁多人民使樂多饒財寶無諸殃
咎而作侵惱更相讚詠恩愛相向當知國中
不爲諸惡天龍鬼神而作災害其四天王天
伊首羅天摩醯首羅天大梵天釋提桓天那
羅延天大自在天各將無量眷屬僕從國中
方圓百踰膳那常皆擁護增加有情一切色
力十方一切諸佛菩薩觀世音菩薩而當護
念國土有情如所愛子皆得安隱日天月天
二十八宿主星天神常於國中不生灾恠加
被擁護

秘密灌頂品第八

世尊是不空王廣大解脫蓮華曼拏羅印三

昧耶能廣成就百千悉地三昧耶運動一切
當見苑伽沙俱胝百千諸佛積集功德修治
佛事觀世音菩薩無量幻化神通加祐其有
信解受持讀誦旃暮伽王三昧耶者應於有
情起大悲心憐愍一切修治此法白月八日
或十五日於閑淨處清淨澡浴著淨衣服食
三白食如法作壇威儀無缺盡斷言論或復
占察內外一切吉相修習於法則得成就此
大契經真言出世世間成就之法若是俗人
每日受持八齋戒法作四肘壇方圓淨治以
瞿摩夷香水和黃土泥塗摩拭治開廓四門
以白螺末界壇標界內圖一百八葉開敷蓮

花白栴檀香泥爲葉鬱金香泥爲臺四面四
角當圖香泥開敷蓮華四布莊列黃綵幡花
東面置不空羅索觀世音畫像四角置香水
瓶內著白芥子口插一切枝柯葉花四門置
闕伽香水水上汎花燒焯香王晝夜六時召請
結界觀置十方一切諸佛放種種光照浹身

心清淨明淨明見無障一時禮拜觀世音闕伽
供養懺悔歸依發菩提心啓請迴向作禮結
印觀置自身自性平等量同法界無分別量
無無分別量觀一切諸佛如來一切菩薩圍
遶住寂觀置囉字具點嚴赫日光焰鬘念字
真義一切諸法本性無染離諸塵垢自淨心

地淨道場地除衆垢穢如虛空相成金剛地
下觀風輪上有歌字放黑光焰觀置風輪上
有水輪色猶雪乳中有縛字若塞頗脰皎月
光淨觀月輪上有大因陀羅金剛輪曼拏羅
放金光焰上觀縵字變爲八葉白開蓮花衆
寶鬚臺金剛爲莖放無量光無量百千諸寶
蓮花周帀圍繞臺上觀置寶師子座繞座周
列雜寶竿柱上置種種綺蓋幢幡垂珠瓔鬘
衆妙寶衣周布一切香花衆寶起妙香雲雨
諸雜花繽紛嚴地鼓奏種種奇特音樂溥敷
種種如意賢瓶闕伽之水摩尼寶樹枝葉光
敷周遍行列照以爲燈一一莊嚴佛波羅蜜



光淨圓滿讚諸菩薩甚深句義梵音清暢遍
無盡界以我功德佛加持力以法界力觀供
養住諸法無生性自本寂師子座上觀縛瞞
字為釋迦牟尼如來身真金色結跏趺坐頭
冠衣服貫飾莊嚴放妙光明遍無邊界無盡
聖眾現光焰中其光遍滿諸有情界隨性開
解流光焰輪此佛如來身語無量常住三世
湛然不滅從是身中現無量身合無量身為
一佛身右觀觀世音菩薩左觀執金剛秘密
主菩薩其諸種族大菩薩眾前後圍繞趺坐
而座觀世音座右真言者坐觀心不亂若散
亂者一切諸佛菩薩真言明神觀世音菩薩

悉不加持。悉不觀護。是故智者相應法座諦
觀聖者結誦念印。以左手頭指大拇指相搏。
直伸中指無名指小指向掌作拳。以印當鼻。
右手頭指中指大拇指搯珠。以一切如來金
剛摩左身灌頂。三摩地聲誦持母陀羅左真
言秘密心真言奮怒王真言觀置觀變陀羅
左真言一一字聲如聖者形光焰圍繞其光
明淨破無明宅時。所無間當於中夜壇地震
動結印靜心正觀像足誦奮怒王真言。今其
壇地大涌震動菩薩眉間放大光明照燭壇
內時真言者身悚毛豎。但當廣發大菩提心。仰
觀像面見其右面動轉眼目視真言者出大

梵聲讚真言者。汝證斯相。三業清淨。復當承
事。殊伽沙俱胝那庾多百千如來。種植善根。
一切菩薩。同共觀察身心。適悅捨此身後。當
生生處。身狀端奕。髮如旋螺。聲音美妙。目廣
端嚴。解心明潔。見法清淨。永除無明。生老病
死。一切苦本。證一切有情。性情淨觀。三摩地
至五曉時。觀世音菩薩現身。摩頂加與。所求
出世世間一切大願。皆為滿足。時真言者。乞
神足通願。秘密仙願。天眼通願。見佛刹願。證
陀羅尼大成。就願不空。羅索願。悟解一切經
典。種種義願。一切真言三昧大成。就願。文持
揔持願。一切辯才願。取伏藏願。作金銀願。工

巧法願往天宮願入阿修羅窟願入龍宮願
增長苗稼實豐饒願降伏藥叉羅刹願起
故人願入諸山谷採諸藥精願成就劍仙騰
空法願大真言仙願摧伏邪見諸惡人願戲
弄物願入海水願世間諸法成就願滅四重
五逆一切罪願如是等願任所乞之皆得滿
足若常六時誦持不間又得觀察一切有情
離障清淨三摩地觀世音菩薩現身神通超
越觀察三摩地一切如來觀察加持密嚴光
明神通三摩地以此三摩地力如大梵天壽
命長遠見於淨土一切諸佛菩薩摩訶薩衆
阿彌陀佛前讚問深法同坐清淨蓮花光明

寶殿臺榭若常白月八日十五日晝夜不食
 斷諸言論誦持母陀羅尼真言秘密心真言
 者則得無始一切罪障盡皆消滅若命終後
 當得往生安樂國土恒見一切諸佛菩薩摩
 訶薩等加持壇內闕伽瓶水灌頂浴身結印
 印身修作法者當得金剛無惱壞身一切如
 來常樂觀察一切天龍藥叉羅刹毗那夜迦
 降伏恭敬成就世間悉地之法任為使祐
 不空羅索神變真言經卷第七
 慕

椽惟緣反辟除上必反泥捏下反酉戍下新律反

木檻樹下音蜜扇挺下詩延反水瀦下音節或

也音則右反構木古候反元粳音庚餌而志反仁

悅 肥上音紅也 甚 少息也 蕞 荳 綠上音 懌 悅音亦和

攪 也上呼高反 又 巧反 奴 巧反 亂 楓 木音風 鍋 鼎古和反

棟 木 殿上郎反 啗 鉢 沒上烏反 鏃 瑩 下上紆詞戀反 涸 水音鶴

也 譟 反仙到 瞬 目 動上詩閏反 臉 上上音 揆 也 陂 皮也眼

音 湖 碑 刑 戮 六下音 痲 癖 上音賢 必 益 反 瘡 疔 反 膺 膺 反 膺 膺 反

音 徵 腹 中 結 病 也 下 搨 力 較 上音角 脚 脛 反 膺 膺 反 膺 膺 反

也 骨 脇 脊 下上虛業反 肱 桀 下上音 年 耗 夫音好

也 損 減 酤 賣 孤 圈 牛 卷上求阮反 獸 攔 也 孳 生 茲上音聲

浹 然 澄上宅也 反 赤 反呼隔 續 紛 上上疋 飛 落 之 貞 也 反

也 毒 反 烏 赫 反 奕 亦音 奕 亦音 奕 亦音 奕 亦音

